

ՉԱՐԻ ՎԵՐՋԸ

- Լինում է մի սար,
 էն սարում մի ծառ,
 էն ծառում փըշակ,
 Փըշակում մի բուն,
 5 Բընում երեք ձագ,
 Ու վըրեն Կըկուն:
 — Կո՛ւկու, կո՛ւկու, իմ կուկուներ,
 Շըբ պիտի դուք առնեք թևեր,
 Թըռչե՛ք, գընաք,
 10 Ուրախանաք...
 Երգում էր մարիկ Կըկուն.
 Մին էլ, ըհը՛, Աղվեսն եկավ.
 — էս սարը իմն է,
 էս ծառը իմն է,
 15 Ծառում փըշակ կա,
 Փըշակում՝ մի բուն,
 էս ո՞վ է եկել
 Տիրացել թաքուն:
 Ախ դու Կըկու, հիմա՛ր Կըկու,
 20 Քանի՞ փոքրիկ ձագ ունես դու:
 — Երեք հատ ձագ, աղա Աղվես:
 — Երեք հատ ձագ ցույց կըտամ քեզ:

- Ու չե՞ս ասել, դու, անամոթ,
 Մինը ծառա զըրկես ինձ մոտ:
- 25 Ձրգի շուտով մի հատը ցած,
 Թե չէ՛ կացինս հըրեն սըրած,
 Գընամ բերեմ,
 Ծառը կըտրեմ...
 — Վա՛յ, չըկտրես,
- 30 Աստված սիրես,
 էս մինն ահա
 Տար քեզ ծառա,
 Միայն թե էդպես
 Մի ջընջիլ մեզ
- 35 Բընով-տեղով,
 Ամբողջ ցեղով:
 Խնդրեց մարիկ Կըկուն ու ձագերից
մինը ձգեց ներքև:
- Աղվեսը՝ հա՛փ, առա՛վ գնաց:
 — Վա՛յ-վա՛յ, դու-դո՛ւ,
 40 Իմ լավ կուկու.
 Ո՞ր սև սարում,
 Ո՞ր անտառում,
 Ո՞ր թըփի տակ
 Կորար մենակ...
- 45 Վա՛յ-վա՛յ, դու-դո՛ւ,
 Իմ խեղճ կուկու...
 Լաց էր լինում մարիկ Կըկուն, մին էլ, ըհը՛,
Աղվեսը ետ եկավ:
- էս սարը իմն է,
 էս ծառը իմն է,
 50 Ծառում փըշակ կա,
 Փըշակում՝ մի բուն,
 էս ո՞վ է եկել

Տիրացել թաքուն:

Ախ դու Կրկու, հիմար Կրկու,

55 Քանի՞ փոքրիկ ձագ ունես դու:

— Երկու հատ ձագ, աղա Աղվես:

— Երկու հատ ձագ ցույց կըտամ քեզ:

Ա՛խ, շարամիտ դու ավազակ,

Ի՛նչ խաբար է, երկո՛ւ հատ ձագ.

60 Ի՛նչ, ուզում ես էստեղ գոռով
Լըցնես ամբողջ կրկուներո՞վ...

Ջրգի շուտով մի հատը ցած,

Թե չէ՝ կացինս հըրեն սըրած,

Գընամ բերեմ,

65 Ծառը կըտրեմ...

— Վա՛յ, չըկտրես,

Աստված սիրես,

էս էլ առ տար,

Ու թող դադար՝

70 Վերջինը գեթ

Մընա ինձ հետ...

Աղաչեց մարիկ Կրկուն ու երկրորդ ձագն էլ

ձգեց ներքև:

Աղվեսը՝ հա՛փ, էս էլ առավ ու գնաց:

— Վա՛յ-վա՛յ, վույ-վո՛ւյ,

75 Ընչի՞ համար

Եկա ես սար,

Բուն շինեցի,

Ձագ հանեցի...

Աղվեսն եկավ,

80 Տարավ, կերավ,

Երկու, երկու,

Կուկու... կուկու...

Լաց էր լինում մարիկ Կրկուն:

էս միջոցին — զա՛, զա՛, զա՛, Ագոստին անց էր
կենում էն կողմերով:

- 85 Լսեց Կրկվի լացի ձայնը:
— Էդպես տխուր ու զարհուրիկ
Խնչ ես լալիս, Կրկու քուրիկ:
— Ինչպես չըլամ, ա՛ սանամեր.
Աղվեսն եկավ էն սըրտամեռ,
90 Գըլխիս էսպես փորձանք բերավ,
Չագուկներըս տարավ, կերավ:
— Վո՛ւյ իմ աչքին, անխելք Կրկու,
Ինչպես իզուր խաբվել ես դու
Սուտ խոսքերից շար Աղվեսի:
95 Ո՛նց թե սարը իմն է՝ կասի:
Ո՛վ է տըվել էն լըրբին սար.
Սարն ամենքիս է հավասար...
Ո՛վ կըթողնի վեր կենա նա
Ամբողջ սարին գա տիրանա,
100 Անունը տա սըրած կացնի,
Սրան-նրան սուտ վախեցնի,
Ու մինն էսօր, մյուսը — երեկ,
Չագեր տանի, ուտի մեկ-մեկ...
Սև գրողի էն տարածին
105 Ո՛վ է տըվել սըրած կացին:
Մին էլ որ գա ու սպառնա,
Մի՛ վախենա, քըշի գնա:
էսպես ասավ Ագոստին ու թըռավ գընաց: Ահա
կրկին Աղվեսն եկավ:
- 110 — էս սարը իմն է,
էս ծառը իմն է...
Հագիվ էր ասել, Կրկուն բնից գլուխը հանեց՝
— Սուտ ես ասում, դու խաբեբա,
Անխիղճ գազան, անկուշտ, ագահ:

- 115 Ո՞վ է տվել էստեղ քեզ սար,
Սարն ամենքիս է հավասար:
Ի՛նչ ես եկել սուտ տեր դարձել,
Ես էլ հիմար՝ ճիշտ եմ կարծել,
Ջագուկներըս տրվել եմ քեզ...
- 120 Կորի՛, գընա, դու չար Աղվես,
Հերիք ինչքան սուտ ես ասել.
Հիմի գիտեմ, չեմ վախում էլ.
Կացին շունես ծառը կըտրես:
— Ո՞վ ասավ քեզ:
- 125 — Ագռավն ասավ:
— Ագռավը, լա՛վ:
Ու Ագռավի վրա բարկացած Աղվեսը պոչը
քաշեց, հեռացավ: Գնաց մի դաշտում
սուտմեռուկի տվավ, վեր ընկավ, իբրև թե
- 130 սատկել է: Ագռավն էլ կարծեց՝ իրավ սատկել
է, թռավ եկավ վրեն իջավ, որ աչքերը հանի:
Աղվեսը՝ հա՛փ, հանկարծ բռնեց:
— Ղա-ղա՛, ղա՛-ղա՛,
Աղվես աղա...
- 135 — Ա՛յ դու կռավան չարալեզու,
Ո՛նց թե Կրկվին ասել ես դու,
Թե ես կացին շունեմ սըրած...
Կացին շունե՛մ... դե՛ հիմի կա՛ց...
— Վա՛յ, քեզ մեղա,
- 140 Աղվես աղա,
Ես եմ ասել, չեմ ուրանամ,
Ինձ քըրքըրի, ինձ կեր հում-հում,
Տո՛ւր ինչ պատիժ սիրտըդ կուզի,
Բայց մի վերջին խոսքըս լրսի:
- 145 Ես էն սարում, հենց դեմ ու դեմ,
էնպես մի թանկ պահուստ ունեմ,

- Որ շեւ գըտնի դու քո օրում
 Ոչ մի թառում կամ անտառում:
 Ընչի՞ համար էն ահագին
- 150 Գանձը կորչի հողի տակին:
 Արի գընանք, հանեմ տամ քեզ,
 էնքան ուտե՛ս, էնքան ուտե՛ս...
 Թե չըլինի ու սուտ դուրս գամ,
 Ես հո էստեղ միշտ կամ ու կամ...
- 155 – Գնա՛նք, ասավ Աղվեսը: Թե կըլինի, շատ
 լավ, թե չի լինի, էլի քեզ կուտեմ: Գնացին:
 Վերևից թռչելիս Ագռավը նկատել էր, որ մի
 թփում պառկած էր գյուղացու շունը: Աղվեսին
 տարավ, տարավ, դուրս բերավ ուղիղ էն թփի
 վրա:
- 160 – Ա՛յ, ասեց. էս թփումն է իմ պահուստը:
 Աղվեսն ագահ վրա ընկավ թփին. շունը վեր
 թռավ, կոկորդից բռնեց ու դրեց տակին:
 Աղվեսը խեղդվելով սկսավ խոխոալ.
 – Ա՛խ, ե՛ս... ա՛խ, ե՛ս...
- 165 Զգույ՛շ Աղվես,
 Փորձանքի մեջ
 Ընկնեմ էսպե՛ս...
 Ա՛խ, անիրա՛վ
 Դու սև Ագռավ...
- 170 – Ինչքան էլ որ լինիս զգույ՛շ,
 Զարի համար թե վաղ, թե ուշ,
 էդ է՛ պահ՛ված, Աղվես աղա,
 Ղա՛, ղա՛, ղա՛, ղա՛ ...
 Պատասխանեց Ագռավն ու թռավ: